



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Eisdem.

urn:nbn:de:hbz:466:1-20006

loci distantiam eidem Archiepiscopo grave sit ad vestram presentiam pro consequenda iustitia laborare, presentium vobis auctoritate mandamus, ut quoties necesse fuerit, ad locum congruum accedatis, & sine personarum acceptione, iustitia mediante, procedere non taretis. Nullis literis obstantibus, si qua apparuerint veritate tacita &c. Datum Romae apud sanctum Petrum.

ODONI TERDON. EPISCOPO.

Officij nostri debitum & sollicitudo requirit ut fratres & coepiscopos nostros in iustis debeamus petitionibus specialius exaudire, nec eorum sententias, quas in contumaces & rebelles duxerint rationabiliter promulgandas, permittamus temeritate qualibet violari. Cum igitur, sicut tua nobis insinuatio patefecit, multi religiosi tuae diocesis contra generale interdictum a te positum divina non metuant officia celebrare, fraternitati tuae auctoritate presentium duximus indulgendum, ut liceat tibi omnes tuae diocesis, salvis privilegijs & indulgentijs Rom. Pontificum, ad observantiam interdicti a te positi appellatione remota canonica distinctione compellere. Nulli ergo &c. Datum Romae apud sanctum Petrum.

GRADENSI PATRIARCHAE.

Si quando a fratribus & coepiscopis nostris a nobis requiritur quod a tramite rationis non deviet, eorum postulationi facilem nos convenit praebere consensum; ut eo fortius circa injunctum sibi officium intendere valeant, & in nostra devotione persistere, quod se a nobis benignius ac celerius senserint exauditos. Inde est quod cum Ecclesiam sancti Achindani apud Constantinopolim te habere proponas, quidam suffraganeorum tuorum decimas a parochianis ejusdem Ecclesiae, qui de tuis partibus ad eandem parochiam saepe domicilia transferunt, ea occasione instanter requirunt, quia patres eorum, avi, sive proavi, decimas ipsis aliquando persolverunt, & ad ipsas decimas extorquendas nonnunquam suos vicarios transmittere non formidant, non attendentes quod licet ipsi parochiani eorum aliquando fuerint, ex quo se ad alienam parochiam transtulerunt, manum non licet cuiquam in messem mittere alienam. Ideoque nos

indemnitati tuae sollicitè providere volentes, fraternitati tuae presentium auctoritate concedimus ut liceat tibi a parochianis praescriptae Ecclesiae tuae beati Achindani, non obstante quod eorum antecessores praedictis suffraganeis tuis, dum in ipsorum parochia permanebant, decimas persolverunt, liberè decimas percipere & tenere, nihilominus etiam jus conuentuale, quod in capellis Ecclesiae praenominatae tibi de jure comperit, sine contradictione cujuslibet de auctoritate nostra valeas exercere. Nulli ergo &c. Datum Romae apud sanctum Petrum 1 v. Non. Maij, Pontificatus nostri anno primo.

ABBATI ET CONVENTUI
Belle-Villae.

Cum a nobis petitur &c. usque ad verbum illud effectum. Ve igitur apostolici favoris obtentu religio vestra, Deo dante, grata in spiritualibus & temporalibus recipiat incrementa, statuimus ut vobis de concessione nostra sit licitum in locis in quibus competens fratrum numerus a vobis fuerit institutus, cum assensu dioecesanij Episcopi, sine detrimento juris alterius, oratoria sine cujuslibet contradictione construere, ubi fratribus morantibus cum familijs suis secundum statuta ordinis vestri divina valeant officia ministrari. Datum Romae apud sanctum Petrum Non. Maij, Pont. nostri anno primo.

E I S D E M.

Quanto creatori vestro sub religionis habitu astricti estis devotius famulari, tanto sollicitius nos convenit providere ne per immoderati oneris gravitatem aliquatenus possit in vobis monasticij profectus ordinis impediri. Accipimus autem vobis significantibus quod ab ipso domus vestrae foundationis primordio de fundatoris voluntate processit ut fratribus S. Irenaei procurationem unam annis singulis liberaliter exhiberet, cum terras vel redditus non teneatis ab eis, propter quos hujusmodi procuratio ipsis debeat exhiberi. Verum tunc temporis propter fratrum & servientium paucitatem domum vestram exhibita procuratio non gravabat, cum fines levium non excederet expensarum. Sed nunc tantum ibi excrevit numerus servitorum & fratrum quod ad facien-

K ij

Epist. 132.
Quod omnes
religiosos sibi
subiectos licet
ad observationem
interdicti com-
pellere, salvis
privilegijs
Romanorum
Pontificum.

Epist. 133.
Vi decimas a
sibi subiectis
parochianis re-
cipiat, nisi ha-
bitus sub alijs
Episcopis habi-
tarunt.

Epist. 134.
Quod licet ip-
sis cum consen-
su Episcopi, &
sine detrimento
alterius, orato-
ria extruere.

Epist. 135.
De procuratio-
ne exhibenda
fratribus S. Ire-
naei.
Cap. Quanto.
De censib.

dam procuracionem vix modo quatuor marchæ sufficerent, quæ pro una sufficienter fieri consuevit. Ut igitur per apostolicæ sollicitudinis curam vestris possit in parte ista gravaminibus provideri, auctoritate præsentium vobis indulgemus, ne ultra primam mensuram in procuracione ipsa sitis ulterius prædictis fratribus obligati, sed expensis illis quæ sufficere consueverant sint contenti, nisi fortè facultates Ecclesiæ vestræ in tantum excreverint, quòd sine gravamine, ampliato fratrum numero, ad solvendum debitum procurandi extendi possit quantitas expensarum. Nulli ergo &c. Datum ut suprâ.

ABBATI ET CONVENTUI
sancti Vedasti.

Epist. 136.
Statuta & laudabiles consuetudines canonice istius Pontificis confirmat & approbat.

CVM à nobis petitur &c. usque vestris postulationibus inclinati, rationabiles consuetudines Ecclesiæ vestræ à bonæ memoriæ P. sancti Grifogoni Presbytero Cardin. tunc Legato sedis apostolicæ approbatas, & per M. quondam Abbatem sancti Vedasti de consilio majoris & sanioris partis Capituli redactas in scriptis, & tam sigilli ipsius quàm Card. ejusdem munimine roboratas, auctoritate apostolica confirmamus, & præsentis scripti pagina communimus, inhibentes ne vel tu, fili Abbas, vel tuorum quilibet successorum contra eas temerè veniat, nec vos, filij monachi, contravenienti aliquatenus pareatis. Adjicimus etiam ut, sicut in instrumento earundem consuetudinum continetur, curias & domos Obedientiarum, in quibus monachi consueverunt hætenus ministrare, nunquam ulli laico sub quocunque censu temerè concedere præsumatis, sed tam res Ecclesiæ vestræ quàm Obedientiarum ipsius per fratres vestros & monachos custodiantur, & fideliter pertractentur. Ad hæc, auctoritate vobis apostolica districtius interdiximus, ne obventiones caritatum, annuos etiam redditus refectioi fratrum & pauperum in anniversariis deputatos, in alios usus, nisi evidens Ecclesiæ necessitas vel utilitas exigat, præter communem assensum vel majoris partis consilij sanioris aliquatenus convertatis, sed tam dictæ obventiones, quàm & redditus ipsi, per Priorem & monachos, quos Capitulum ad hoc deputaverit, fideliter reserventur. Nulli

ergo &c. Datum Romæ apud sanctum Petrum 11. Nonas Maij.

GERARDO ABBATI
& Conventui Virziliacensi.

QVAMVIS universa loca religiosa fovere ac diligere teneamur, illis tamen propensiores curam impendere nos oportet quæ specialiter beati Petri juris existunt, & ad nostram nullo mediante provisionem pertinent & tutelam. Inde est quòd nos jura monasterij vestri volentes integra conservari, & contra molestaciones indebitas vos & idem monasterium speciali communire privilegio libertatis, ad exemplar felicitis memoriæ Urbani, Clementis, & Celestini prædecessorum nostrorum, auctoritate apostolica prohibemus, ne ullus omnino Archiepiscopus, Episcopus, aut alius Ecclesiarum Prælatus, nisi de speciali mandato Romani Pontificis vel Legati ab ipsis latere destinati, in monasterium ipsum, Abbatem, vel aliquem fratrum vestrorum interdicti, suspensionis, vel excommunicationis sententiam promulgare præsumat. quod si fecerit, eam decernimus non tenere. Libertates præterea & immunitates & rationabiles ejusdem monasterij consuetudines hætenus observatas, tam in animarum cura Presbyteris Ecclesiarum Virziliaci, Asconij, sancti Petri, Castri insulæ, & Monterione committenda, & contrahendis matrimoniis, & legitimè dirimendis, & excommunicandis, vel absolvendis, suspendendis, destituentis, & restituendis Presbyteris, Clericis, & parochianis Ecclesiarum illarum, quàm in aliis negociis & sacramentis ecclesiasticis, raras esse decernimus, & eas auctoritate apostolica vobis vestrisque successoribus confirmamus, districtius prohibentes, ne quis possessiones, jura, vel bona prædicti monasterij præter conscientiam sedis apostolicæ, cui specialiter est subjectum, quomodolibet alienare, vel antiquas & rationabiles ejusdem monasterij consuetudines, & hætenus observatas, violare præsumat. quod si à quoquam fuerit attentatum, omnino statuimus irritandum. Adjicimus etiam, ut si Ecclesiarum Prælati à vobis canonicè tertio requisiti, manifestos malefactores vestros interdicerent & excommunicare neglexerint, licitum sit vobis & successoribus vestris, ut eos candelis

Epist. 137.
Veteres consuetudines laudabiles approbat, & nova iis privilegia conferunt.